

四庫全書

史部

欽定四庫全書

史部

武林梵志卷六

詳校官太僕寺少卿臣李廷欽

編修臣程嘉謨覆勘

總校官庶吉士臣朱鈐

校對官中書臣吳甸華

謄錄監生臣梁鳴岐

謄錄監生臣張魯秀

欽定四庫全書

武林梵志卷六

明 吳之鯨 撰

外七縣梵刹

海寧縣

太平廣福寺在縣東五十里黃岡市唐齊安寺基宋建  
隆中有僧結茅棲止歷四十年乾德二年額曰太平  
庵熙寧元年賜今額歸併于此曰慶壽永寧寺

在縣東二

十四里 曰南觀音院

在縣東二十一里新江塘南

僧弘道太平廣

福寺詩招提古意饒誰復記前朝  
五季重開拓三災不動搖珠林  
花氣合紺殿蘚痕消更上危樓  
望當門

見海潮

崇教寺在縣東六十里妙果山之前  
舊圖經五代成夫人捨園為寺名  
妙果宋季廢弛元至順四年重建  
歸

併于此曰圓明庵

在縣東六十里遊佛墩

曰東林庵

在縣東六十里

真如寺在縣東七十里黃灣菩提山東  
晉干寶公捨宅

為寺周顯德二年建輪藏宋治平二年賜今額歸併

于此曰寶嚴寺

在縣東六十里

曰接濟院

在縣東北三十六里

曰延聖

妙智院

在縣東北六十里

曰闔濟院

在縣東北六十里

曰北永寧院

在縣北四里

曰上方延壽院

在縣北十里

曰接待朱何庵

在縣西一

里曰積寶庵

在縣西北十五里

曰西觀音庵

在縣西北二十五里

曰雪

峰雙桂庵

在縣北十八里

曰惠照庵正覺庵

並在縣東北六十里

張

謬真如寺詩旗鼓初從海上回天風吹我上雄臺甲

披雙木關西將馬驟羣峰冀北材塵世俯窺飛鳥去

軍聲俄逐晚潮來誰人為我書巖石他日重遊掃綠苔

真相寺在縣東北六里橫塘北宋寶祐二年建元末燬

洪武六年重建歸併于此曰雪峯廣福院

在縣東北七里

曰

淨信院

在縣東北一十八里

崇惠寺在縣東北六十里硤石紫微山東麓元至正間

建洪武十八年重建歸併於此曰四果華嚴院

在縣東北

七十里曰勝果院曰圓覺庵

並在縣東北六十里

西山廣福院在縣東北六十里硤石紫微山頂宋天禧

五年邑人宋坦捨宅建熙寧元年賜壽聖額隆興元

年改今額兵燬元大德間重建歸併于此曰崇福寺

在縣東北

六十里

曰瑞應觀音院

在縣東北  
三十里

曰東山廣福院

在縣東北

六十里

曰黃坡庵

在縣東北  
三十里

曰永平庵

在縣東北  
五十二里

曰興壽庵

在縣東北  
六十里

章孝標西山廣福院詩野寺孤

峯上危樓聳翠微捲簾滄海近洗鉢白雲飛竹影臨

經案松花點衲衣日斜登望處湖畔一僧歸 楊璿

崇福寺詩  
艤棹青山下來尋蘇子家人魚皆靜樂水  
木亦清華樹老欲成蓋菊寒殊未花何須覓勾漏此  
處有丹砂  
顧况崇福寺詩家在雙峯蘭若邊數聲  
清磬發孤烟山連極浦鳥飛盡月上青林人未眠

永隆廣福寺在縣西一十里馬牧塘北宋紹興十八年

建興廢不一歸併于此曰水陸院  
在縣西南四十里曰出塵

庵

在縣西北二十五里

金佛寺在縣西一十二里松林鋪東宋紹興年間名上



乘院乾道間改今額元末燬重建歸併于此曰超王

院曰淨居院

並在縣西五里

曰惠明院

在縣西八里

曰戒壇院

在縣

西南三里

永寧寺在縣西二十里宋嘉泰間建歸併于此曰壽昌

院

在縣西北五十里

薦福寺在縣西三十六里蕭齊永明二年建名安善唐

會昌五年廢大中十三年重建宋大中祥符元年改

今額元末兵燬洪武初重建歸併于此曰開福寺

在縣

西三十  
五里 曰觀音聖果寺

在縣西北  
四十五里

安國寺在縣西北二百五十步唐開元元年建名鎮國

海昌院會昌五年廢大中四年復置名齊豐宋大中

祥符元年改今額寺有大悲閣宋理宗御書妙智之

閣賜之元至正二年重建歸併于此曰興慶寺

在縣  
北十

五里 宋蘇軾大悲閣記羊豕以為羞五味以為和糝

稻以為酒麩蘖以作之天下之所同也其材同其水

火之齊均其寒暖燥濕之一候也而二人為之則美

惡不齊豈其所以美者不可以數取歟然古之為方者未嘗遺數也能者即數以得其妙不能者循數以得其略其出一也有能有不能而精麤見焉人見其二也則求精於數外而棄迹以逐妙曰我知酒食之所美也而略其分劑捨其度數以為不在是也而一以意造則其不為人之所嘔棄者寡矣今學者之病亦然天文地理音樂律厯宮廟服器冠婚喪祀之法春秋之所去取禮之所可刑之所禁歷代之所以廢

興與其人賢不肖此學者之所宜盡力也曰是皆不足學學其不可傳於書而載于口者子夏曰日知其所亡月無忘其所能可謂好學也已古之學者其所亡與其所能皆可以一二數而日月見也如今世之學者所亡者果何物而所能者果何事耶孔子曰吾嘗終日不食終夜不寢以思無益不如學也由是觀之廢學而徒思者孔子之所禁而今世之所尚也豈惟吾學者至於為佛者亦然齋戒持律講誦其書而

崇飾塔廟此佛之所以日夜教人者也而其徒或者  
以為齋戒持律不如無心講誦其書不如無言崇飾  
塔廟不如無為其中無心其口無言其身無為則飽  
食遊嬉而已矣是為大言以欺佛者也杭州鹽官安  
國寺僧居則自九歲出家十年而得惡疾垂死自誓  
於佛願持律終身且造千手眼觀世音像而誦其名  
千萬聲病已而力不給則縮衣節口三十餘年銖積  
寸累以迄于成其高數仞為大屋四重以居之而求

文以為記余嘗以斯語告東南之士矣蓋僅有從者  
獨喜則之勤苦從事於有為篤志守節老而不衰異  
夫為大言以欺佛者故為之記且以風吾黨之士云

延恩寺在縣西北二百六十步舊安國寺藏院宋元祐

四年賜今額歸併于此曰慶善寺

縣西南二百步

曰常樂寺

縣西南二里

曰佛牙寺

縣北一里

曰淨明院

縣西南八十步

曰正法壽

寧院

縣西北十五里

曰觀音庵

縣東北一百五步

東岡廣福寺在縣西北二十五里東晉德法師開山後

燬宋乾德元年重建紹興三十二年賜是額永樂十

四年潮坍無存十五年移額于四都觀音庵歸併于

此曰圓明院

在縣西北  
三十五里

覺王寺在縣西北二十五里長安鎮西唐長興四年建

名正覺宋治平二年改今額元末兵燬洪武初重建

歸併於此曰定香寺

在縣西北  
二十五里

曰南禪福巖院

在縣  
西北

四十里曰真如庵

在縣西北  
十五里

淨妙寺在縣西北三十里宋嘉熙間建元末兵燬洪武

初重建歸併于此曰旌忠寺

在縣西北二十五里

曰雲龍寺

在縣

西十五里

曰惠泉院

在縣西北二十五里

曰吉慶庵常樂庵雙林庵

並在縣北十五里

興福寺在縣西北三十里駱家鋪東北宋開寶二年建

三年賜額歸併于此曰彌陀院

在縣西北十五里

曰惠明庵

在縣西北十五里

資勝寺在縣西北四十里晉天福七年建名資壽宋治

平二年改今額歸併于此曰報國寺

在縣西北四十八里

曰資



福院

在縣西北四十里

曰海雲庵

在縣西北四十六里

吉祥寺在縣西北四十八里許村鋪北名齊明宋建隆

二年改名迎祥治平二年改今額元末兵燬歸併于

此曰普安寺

在縣西四十里

菩提寺在縣北內有張子韶讀書臺基存

惠力寺在縣東北六十里破石紫微山下晉寧康中尚書

張延光捨宅構寺賜額曰志願唐乾元元年勅支本

縣稅錢修飾唐季兵燬宋乾德間重建大中祥符二

年賜今額宋季兵燬元至正二十年重建 僧弘道

遐觀樓詩紫破山前百尺樓憑高懸象入冥搜滄江

直到水窮處白鳥忽飛天盡頭一氣鴻濛開禹甸兩

峯縹緲接瀛洲胡牀坐對銀河近擬欲乘槎上斗牛

淨信寺在縣西南六十里晉天福二年僧淨建元末兵

燬洪武初復建 類列 定惠寺 在縣東北十三里 寶林寺

在縣西二十里 瑞像院 在縣北門外二十里 白蓮花院 在縣東十五里 普信院

在縣北二里 尹墅廣福院 在縣西北二十五里 西庵 在縣西門內 大通庵

在縣西  
三里

### 富陽縣

法相寺在縣東南三十里麗景村名報恩唐咸通十二

年符禪師開山宋大中祥符元年賜額歸併于此曰

靈巖院

在縣東南  
三十里

曰泗洲庵

在縣東南  
五十里

葉士彥題

法相寺虛舟亭詩道人亭子號虛舟身與乾坤日夜

浮高檻倚空山疊浪小池承溜雨生漚漁歌響荅穿

蓬戶晚飯經行憶舵樓茶竈筆牀安榻畔江湖長任

散人遊 姜文涓靈巖院詩軒在靈巖第幾峯篔簹  
遠屋翠重重僧窻滴露全疑雨詩榻生涼半是風四  
座綠陰侵戶暗一簾爽氣撲衣濃信知石上蒼苔合  
多為遊人去後封

淨居寺在縣南四十里大源村石晉天福八年名淨福  
宋治平二年改今額宋末燬元至順間重建歸併于此

曰崇善院

在縣南四十里

曰真如院

在縣東南一百二十里

曰禪寂院

在縣南  
八十里

偃松寺在縣西南十里馴雉村宋嘉泰四年建前有大

松盤護因名元末燬惟殿宇及法堂存歸併于此曰

永樂吉祥寺

在縣東北小隱山

曰淨土院

在縣西南三十里

曰靈巖

寶山院

在縣西十里

曰大智院

在縣西二十五里

曰法雲院

在縣西二

十五里

曰普惠院

在縣西三十里

曰真寂院

在縣西南三十五里

姚愈

題淨土院竹軒詩勁節摩雲歲月深冰霜不改舊時

陰靜浮香篆度幽逕冷滴翠光生茂林明月滿窓橫

妙墨清風入指按黃金箇中領取西方意夢落人間

何處尋

能仁寺在縣西南十里太平村唐天成元年建名雲霄

宋咸淳元年請今額元至正丙申兵燹洪武初重建

歸併于此曰法門寺

在縣東一十五里

曰三學院真如院

並在

縣西南三十里

曰寶林院

在縣西南三十五里

曰崇福庵

在縣西南二十里

李執三學院詩遠岫朝來更爽孤雲徙倚長閒飛出

偶成霖雨歸來依舊青山

寶林院巖香閣詩花到

清明際隨春渡虎溪勾牽木芍藥流落古招提獨喜

孤芳在何妨衆草齊定知妃子意不鮮謫仙題

寶相寺在縣西南三十五里慶護村洪武初創庵曰浦

西十三年請移看潮村寶相寺額歸併于此曰寂光普

照禪寺

在縣西四十五里

曰報恩禪院

在縣西南八十五里

妙智寺在縣西南五十里善政村永安山之陽唐太和

元年僧會遇建舊名驪峰錢武肅時改名永安宋大

中祥符元年改今額宣和間方臘之亂燬建炎四年

邑人提刑李鞬施財新之歸併于此曰妙巖院

在縣西南

三十里 曰萬春院

在縣西八十里

楊廉夫贈妙智寺仁一初

詩一初閣黎諸法解吹得道人雙劍簫大道不如宗

北秀看山直欲盡南條探官時着楊梅帽勸客醉傾

椰子瓢輕拂鞭稍踏春雨紫騮嘶過聖安橋

慈修護聖禪寺在縣西五十步唐大中間建名保寧元

至順間改今額元末兵燬洪武元年重建歸併於此

曰西巖寺

在縣北三十里

曰淨明院

在縣北五里

曰蓮堂庵

在縣東南

四十里

曰普潤庵

在縣西南五十里

曰通濟庵

在縣南五里

曰悟空



庵

在縣東北十五里

曰大明院

在縣西北四里

曰淨覺院

在縣西五十步

白居易西巖寺詩千古仙居物象饒道成丹熟晝昇  
霄巖前寶鏡傳松韻洞口靈池應海潮崖折百花遲  
日晚鶴歸清夜唳聲遙登臨漸到希夷境平拂行雲  
度石橋 揚廉夫西巖寺詩何代仙人跨鶴歸至今  
丹竈倚柴扉黃金布地開華藏白石撐空障翠微海  
內甲兵民厭久山中車馬客來稀僧窻轉午渾無事  
晴雪風鏖木葉飛 李白淨明院詩天台國清寺天

下為四絕今到普照遊到來復何別  
柎木白雲飛高僧頂殘雪門前一  
條水幾回流歲月蘇軾淨明院

詩富春真古邑此寺亦唐餘鶴老  
依喬木龍歸護賜書連筒春水遠  
出谷曉鐘疎欲繼江湖韻何人為  
起予大明院詩長松吟風晚雨細  
東庵半掩西庵閉山行盡日不逢  
人裊裊野梅香入袂居僧笑我戀  
清景自厭山深出無計我雖愛山  
亦自笑獨往神傷後難繼不如西  
湖飲美酒紅杏碧桃香覆髻作詩  
寄謝

採薇翁本不避人那避世

永寧寺在縣西一百五十步坊郭梁大同三年建名榮

國宋大中祥符元年改今額嘉定壬申縣令程秘新

之元末兵燬洪武九年重建歸併于此曰真覺院

在縣

東五十步

曰淨因院

在縣東二十里

曰淨土院

在縣西二十里

曰長福羅

漢院

在縣北十二里

曰大安院瑞相院

並在縣西北十八里

曰慶恩院

在縣北十八里

曰資聖院

在縣北十八里

曰慈雲院

在縣北十五里

曰華

蓋仙山院

在縣東北十二里

揚廉夫真覺院詩禺陵雲氣

近松翠護禪關只有客常到不如僧最閒  
春風浙江水夜雨富春山愛此清居趣  
長歌日暮還蘇軾淨

因院竹軒詩前軒有竹百餘竿節節渾如玳瑁斑  
雨過風清談般若琅玕聲撼半空寒楊廉夫詩香巖

一擊忘所知我無所知安可擊獨愛軒中可避暑  
萬竿瘦玉擁寒碧切莫伐作仙人杖亦莫剪作漁子笛  
淮擬重來倚小窻細聽龍吟風雨急

龍景寺在縣東十八里春明村唐大中元年建元末兵

燬洪武十五年重建

真寂寺在縣東南四十里靈峰村宋紹興六年建元末  
燬于兵洪武初重建 俞膺詩平地湧招提諸峯自  
迴護石壁聽泉流溪橋見僧度松檜十年姿不受冰  
雪妬花卉四時春疑有神靈助景物良可嘉徘徊屢  
忘暮賢哉支許儔因之重懷慕

大雄寺在縣西南五十里屠山村唐長慶三年吳越相  
國許明捨宅為寺遂即其人為名宋治平二年改今

額元末兵燬洪武初重建

類列

惠出延壽院

在縣

西五里

永壽院

在縣北二十里

惠濟院

在縣東十二里

瑞峯院

在縣西十五里

接待延壽院

在縣北一里

瑞像院

在縣北十五里

無礙庵

在北門外一里

聖僧庵

在縣西南九十里

華蓋山寺在縣東北十二里舊名福慶院晉天福四

年建洪武二十四年併永寧寺舊為民侵佔獨伽藍

神數百人昇之不能動獨存萬厯十三年僧真德重

建置田三十餘畝地二十九畝餘山七十四畝餘塘

五分寺有大覺連禪師遺墨有印空禪師塔師里人  
俗姓童氏有德行稱其徒一庵忠禪師塔在側 陶  
望齡忠禪師塔銘余嘗臨湖江憩西陵之茶亭衲子  
東渡者曳踵而至解包坐則主人具茗飲齋時供蔬  
夕則數具而卧如行者之詣家方春月日不下萬指  
前後無關供囊衲子渡江率為舟子所苦至是寄載  
往來如其家私渡余異焉訊之曰此一庵禪師所為  
余謁焉師自搗人出衣垢敝體蓬陋朴古語不出諸

口余請焉曰師之所以能若是何也師徐曰此十方檀  
施德於貧衲何有退而訊諸其徒曰吾師之始末自  
虎跑願畢其髓腦供十方賢聖至則剖半菽而茹之  
展半席而休之諸師未食弗敢食未息弗敢息也溢  
而弗能居則已出而露處居無何仁風翔於吳越施  
者如胥溥之殷江也而師縛體束腹猶故師何心哉  
意其所以能若是者以此余聞而肅然於是每至輒  
造之後數年師出而於圃余亦從圃從容語佛法大



旨瞭如也嘗為惡人所窘罄鉢囊授之乃免俄其人  
事敗所司引師証之師曰無有楚毒備至師怡然順  
受而已去而東又飯僧百官渡之廻龍庵規撫視西  
陵於是衲子渡娥江復有安次久之示寂焉世壽六  
十有三僧臘四十六其門人奉遺蜕歸於富春仙山  
福慶院院古廢址今規復之師曰吾亦將歸老於此  
弗克而化猶稱曰福慶院一庵禪師者師志也孫性  
吳述遺事請銘累年乃愈懇余感其意又服膺師德

久其可弗許乃為次其本末而銘之師諱真忠孫氏  
子抗之仁和人年十七投天目山出家為印空禪師  
法嗣寶實峯師嫡孫也既受具勤苦參學禮誦法華  
晝夜弗輟凡六載遍禮名山歸灌園於虎跑寺凡三  
年乃捨去鉢僧兩江蕭山之新林天台之會聖嶺虎  
林之崇福庵皆有蹟余習師鉢僧事故於兩江獨詳  
銘曰南海大士天台真僧之來殷其如雲師弗芘  
之投荒榛匪從師鉢虛朝昏師云化矣德渠泯跡

湖與娥兩江津

淨土庵即淨土寺下院去縣十八里春明二畝東黃石  
公小隱處萬厯二十八年朱文元捨地僧德祺建

天鐘院舊名崇福庵在太平里至正間僧道信開山嘉  
靖間僧明清建萬厯間僧如桂性美復增殿宇 吳

之鯨碑記俶從富春登觀山望江以南峯阜蔚起若  
有寶雲卿靄龍護其上詫謂神囂仙的是宜建名利  
為古德勝場而余門人周瞿父曰此天鐘山也有龍

潭瀑布之奇不可不游遂巡未果偶友人俞似宗作  
令德化二三兄弟祖送桐君山時風日晴好余談  
及天鐘似宗欣然命棹抵岸可半里平疇懷新藉草  
喚觴又里許泉出自乳竇滴漉堪寫漸上漸窄若鳥  
道而龍潭噴沫恍十二珠簾照映青壁寒氣濺人衣  
帶似宗與余各據峭石飛大白數斗不忍捨去及登  
殿暮矣展禮大士畢即促登舟寺僧供茗挽不及低  
徊而別恨未盡此地之勝今年秋在佛石澗中因識

桂上人師弟則天鐘住持也亟詢建刹緣始山舊有  
古天鐘院廢為榛莽狐豹之區久矣嘉靖間高僧明  
清戒行精嚴焚修無間寒暑初結茅潭上僅一袈裟  
地耳忽猛虎夜午蹲其前清語曰若有宿業任爾一  
食如來護法當為指點住處虎連嘯數聲若先導者  
乃得舊基巋然古佛道場也遂移庵於此而歸附者  
日益衆遠邇雲集清稍拓地建大士殿設左右長廊  
香燈法幢燦宵旦有所禱其應如響而於祈子尤有

奇驗於是江南北檀信重趼星馳咸稱爲小天竺國  
而古蹟遂儼若靈山矣其徒如桂孫性美個儻有志  
悲心協助禪誦聲振林木爲居民敬禮續置田地山  
塘約一百三十餘畝用以供十方常住僧有過飯一  
食樹下一宿者流水膳供不絕薰修日進福施日廣  
而名亦日益振清師之法力偉哉先後令茲邑者徐  
公張公嘉其行給匾批照爲久遠計昕夕祝延聖壽  
嚴淨毘尼佛日方升山魘永遁昔慧遠澄心而龍泉

立現朗公撫杖而古像倏新精廬肇衍於三摩鹿苑  
驟開於十笏古刹之興實繇人造信非誣也不佞樂  
為宣敬不自知不律之蕪拙矣寺之祖山為天鐘而  
鉢盂山為對左獅踏右象伏峯曰觀音曰慧日曰法  
雲曰三台曰北極泉之最著者曰龍潭曰碧雲曰馬  
跡隱然馬跡現石上曰晶液曰玉音從山谷洞中出  
非但飯禮黃曇即探竒選勝安可不拈瓣香一往哉

餘杭縣

永安寺在縣東南二里元至元元年建至正二十四年

燬洪武元年重建歸併於此曰法喜寺

在縣東半里

曰廣

福禪寺

在縣西十里

曰天真寺

在縣南二十里

曰般若寺吉祥寺

無相寺

並在縣北三十里

曰靜林寺

在縣東南十五里

曰金仙寺

在縣

東南十五里

曰顯聖院

去縣治二里

曰興道院

在縣南二里

曰福

嚴院

在縣東南十八里

曰善應院

在縣西南三十里

曰勝福庵

在縣南十里

二里

王安石法喜寺詩門前白道自縈迴門外青莎

間綠苔雜樹繞花鶯引去壞簷無幕燕歸來寂寥誰



共樽前酒半落空留案上杯我憶故鄉歸未得可憐  
鷓鴣重相催 范仲淹顯聖院詩登臨溪上寺遷客  
獨依依遠水欲無際孤舟曾未歸亂峰藏好處幽鷺  
得閒飛多少天真趣遙心結翠微

南山普寧禪寺在縣東北三十里常熟鄉宋白雲通教  
大師初庵以居隆興間改庵為院曰傳燈又改普安  
淳熙七年改今額元至正末燬洪武三年重建歸併于

此曰慧照塔院

在縣東北  
三十里

曰定一院

在縣東北  
三十五里

曰松

隱庵

在縣北七十五里

慈聖寺在縣東北四十里常熟鄉名靈嶽肇於唐五代

天成元年復建宋治平二年改今額元至正末燬洪

武間重建歸併于此曰永壽寺

在縣東北三十五里

曰安衆寺

在縣東北四十里

曰西教庵

在縣北三十里

歐陽詢慈聖寺記畧

杭州餘杭縣西北有鎮曰曹橋鎮走北十里得精舍

曰靈嶽後漢建武二年有周闔越王無諸十二代孫

搖氏捨宅之所建也

光孝寺在縣間林東扇一畝 陶望齡光孝寺碑記光  
孝寺唐蔣山太平興國禪師建太宗勅額迄宋而寺  
貌幾灰矣端平二年住持法薰德力不減于初彬彬  
稱盛左右丞相咸為篆石迄我皇明而寺貌又幾灰  
矣幸正德元年無盡和尚禱雨龍門之山太白龍王  
獻白蛇于鉢內而大雨灌溉萬民繇是寺貌復興寶  
壽其別號也左通西溪勝槩右達赤松名林前有龍  
門峻嶺後有閑林幽村內不見寺外惟見雲古井甘

泉詩脾可沁萬歷間如清真聽重修建天王殿樹鐘樓置山贖田為永遠計誠大福地也

徑山興聖萬壽禪寺在縣西北五十里唐代宗時僧法欽結庵於此永泰中有白衣士來求法度為沙彌欽指坐後石屏謂曰能開此乎曰可遂叱之分為三片今號唱石巖遂即剃度名崇慧如長安與方士競法既勝代宗問其師承對曰臣師徑山僧法欽台赴闕賜號曰國一禪師逾年辭歸詔杭州即其庵建寺曰

徑山僖宗乾符六年改為乾符鎮國院宋大中祥符

元年改賜承天禪院政和七年改徑山能仁禪寺開

禧年間孝宗御書額賜徑山興聖萬壽禪寺由宋迄

元為禪林之冠元末兵燬洪武間重建歸併于此曰

廣化禪寺

在縣西  
十里

曰順慶禪寺

在縣北  
三十里

曰妙濟禪寺

在縣西北  
四十里

曰實際禪寺

在縣北  
二十里

曰雲福禪院

在縣東  
北四十

里曰圓覺庵圓修庵

並在縣東  
北十五里

吳泳撰興聖萬壽

禪寺記國家駐蹕臨安自西天目龍翔鳳舞舒岡布

麓盤結而為帝王之都者錢塘也自東天目熊騰馬  
奔凌深拔峭發越而為梵釋之宮者徑山也山以徑  
名乃天目之徑路其地尊故鬼神不敢宅其境勝故  
凡廢不得居必也以大法力建大道場然後能儲精  
會秀覽光景而納于其中國一禪師卓錫于此興廢  
迄今蓋四百餘年矣先是慶元己未冬龍王殿灾精  
盧佛宇一夕而燼僧元聰治故而復新之後三十五  
年夏再燬無準範師慨然曰曩在育王時曾夢一神

人偉衣冠盛儀衛馳騎而前迎疇昔之夜又夢前神  
人者持念一寶珠以相授曰謹勿訝或謂夢中之人  
龍珠之數則火之日也豈住止成壞皆數耶師於是  
以精進心轉不退輪以勇健力搥無畏鼓披榛塞竅  
度材于山視昔所植可以為椽為梁為亲為楠者適  
飽厥用則鳩工聚糧命幹力之僧相其役一念纔起  
諸天響合上方頒賚甚渥公卿士大夫樂施捨南國  
之好善者不祈而助貨不命而助力越三年考成曰

殿曰堂曰門曰廊曰樓觀棲客之廬齋庖之所庫庾  
井廐靡不畢具最是龍游閣居翠峰之頂畫拱璇題  
承雲綯日而虛欄之外曰凌霄之閣天空宇迥若與  
灑氣者游循而下曰寶殿曰寶所曰靈澤殿曰妙莊  
嚴閣宸奎麗榜殿寶鎮此山寔振古所未有舊兩僧  
堂幼學者居外久習者居內殆非不二法門今則統  
而為一楹七而間九席七十有四而衲千焉翼五鳳  
而闕離門之虛建萬佛而補艮山之闕皆以大用勝



服之若夫乘金相水西秦異僧所云更不道也 王  
在晉游徑山記武林之屬多佳山水而餘杭之有徑  
山稱最勝東西兩天目山高插天水因山曲折浸為  
巨源若兩目然故曰天目入兩日以是山為徑路山  
遂以徑名余雅慕徑山而未有企及也歲在辛亥南  
湖告成功監司往閱視余以鞅掌三路不得從諸大  
夫後會八月逾望三日往吳興謁臺使者畢歸由苕溪  
苕溪一帶天目諸山泉流環合溯流可達乃從吳興泛

舟過德清渡雙溪雙溪之流一出天目一出高陸至雙  
溪橋合流入徑山港舟不得通舍舟登陸過化城接  
待寺化城為故宋佛日禪師宣公所創踞徑山東麓  
宋時棟宇宏麗欽錫化城二字上創重屋尊而閣之  
殿寢門廂庖廩溷浴靡不備具載郎官楊汝明記中  
我朝香火猶盛漸次廢棄寺田轉佃間左豪右踞之  
然化城卷之名不泯馮司成開之創刻經之緣始于  
清涼之妙德庵地峻遠役匠轉輸工力費倍乃遷之

徑山徑山雲霧罩籠藏板其中易朽腐始議復化城  
化城地坦無雲氣潤濕便藏板而易輸工力乃為屋  
十間以安經板處工匠而大士金身以草殿居之海  
內宰官居士布金恢復化城舊域捐資贖地而有子  
衿鼓衆跋扈必欲與沙門相角事聞當道屬予訊其  
事郡邑勸明予按法治其尤割地歸僧封畛不失而  
其間有墓塚者聽之以寧其窆寔佛處蘧廬中得重  
開法地以須十方大檀越之力予過化城而一二野

衲邀入和南佛前稱善事周遭故址枳棘蕪蕪草  
菜而重新法王之宇西來白馬茲其為繙經演法之  
場乎過化城折而西北抵徑山山去縣五十里雄據  
乾位挺然為東目正幹宴坐朝陽天顯堆珠鵬搏凌  
霄御愛七峯攢擁草木蓊葳樹古而蒼地僻而野山  
門幽寂有老松婆娑可蔭十畝與木蘭交枝薄青旻  
翳白日松為數十年植而木蘭亦森發離竒匪深山  
無此異種參差白塔同虬木橫斜巢雲歸鶴竹松間

雜景色清饒葱翠交曉入山而路轉深地轉奧無數  
箕蓄霏烟濛濛新竿雄拔妬母高凌排崗直上各高  
十里層巒峻嶺長鶩偉觀盤跚逶迤盡在竹間行路  
釋龍透地躡屐峻嶒一頭陀引導美箭蒙茸蘿葛糾  
縛時摩僧頂羣峯蔣蔣拱護靈嶽中豁平區坦壑去  
險而夷重巖滴水有洞空沕頭陀指為明月池其間  
小丹為龍湫龍歲一來顧雷雨暄冥過洞行少許路  
逶屋後登岵叅大悲禪師塔明堂室塞方伯吳公言

塔前當介然闕之而成路僧苦去屋未果闕由塔岨而東為啗石巖唐時僧法欽結庵有白衣士求法度為沙彌欽指坐後石屏謂曰能開此乎叱之分為三片代宗召法欽赴闕賜號國一禪師辭歸杭即其庵建寺曰徑山宋開禧間孝宗賜額興聖萬壽禪寺東南勝道場無逾此者行過複嶺崇隆隱天有斐葉猗坎窞為池方塘一鑑湛潔如澄鮮漾碧僧曰放生池池邊刻經工匠排列鴈行伏迎道左已訪澹居上人所

寓靜室治蔬為供清話移時片言點悟此不殊欽公  
三片石恨不如白衣士立度為沙彌耳別而登樓同  
餘杭令戴君進飯夕陽西沉遂促從者亟行余時有  
天目之興徑山直傳舍視之竭蹶而趨至無垢寺而  
宿焉是夜惺惺不寐取唐崔元翰碑籀文摩擬不能  
屬草乃讀東坡徑山詩擊節高吟與松濤林籟相為  
答和殘月半窻莽烟伴榻無何而山鳥鳴鳴不覺東  
方之既白矣 吳之鯨徑山紀游庚戌浴佛日久雨

乍霽與俞似宗佛石宿禹杭文昌壩亟呼筍輿沿溪行  
宿霧漸消山頂次第現如新粧出羅幌行可二十里  
飲溪邊酒家遙望舟枕巍然獨峙秀鬱可挹又三十  
里林漸深地漸高將逼雙徑循趾攀巘委折數百重  
澗花飛灑俱成白練山形周環復疊如入罅中上下  
條蕩擅藥萬晦一色余隨輿偃仰覺日光澹射風細  
雲疏非若高峰軼雲蒼榦蔽景作鞮路之聲礮礮之  
狀也嶺甫半輿人告疲余顧佛石隔山小浮圖非即



歇足處耶佛石指曲磴數坂曰此須遠而上耳既上  
嶺如馬脊左右懸削忽白雲覆他山飛捷於鳥細雨  
隨至余振袂度數盤沐佛聖水杉松環立平臺俯瞰  
則三山門巋然列矣視小浮圖又在足下遠峰嵒岿  
近峰峽岿含澤吐霓倏忽殊態武林兩高龕楮一線  
俱在靨韃中余嗒然宴坐雲海蕩吾心胸覺生平寥  
廓之氣呼吸相應昔陶貞白志在冲舉每云指白日  
觀青天去此不遠獨於爾時有會已投松源山房古

杉蒙茸方沼沉碧高樓十五楹邃潔可居僧冲宇供  
笋蕨煨漿不減白墮似宗糾以觴政甚洽月光初燦  
僅於密樾中作掩映觀早晨起謁新殿制度宏偉未  
飾丹堊過妙喜庵禮大慧禪師塔眎龍湫舊蹟循左  
級而上觀放生池池圓如珪廣可盈畝惜無游鱗潑  
刺再上為寂照庵刻藏經處鑄工麇集室後供達觀  
甚肅令人轉思密藏忽緇衣釋冠過謁余詢知為門  
人通州崔叔錦為諸生不得意剗心大典棲遯於此

兩月矣余攜之出過喝石巘石枿為三昔中子山人  
乞國一師剃度以呪力護佛法賜號性空大師大歷  
中代宗遣內侍迎國一入京徑山之興實由於此訪  
雞兔二塚至今在岩下三白駒或寢或訛乃載經板  
出山者儼然雪山梵從也是日陰翳多廉識久益密  
叔錦別去返松源山樓飯後稍有霽色命輿從右級  
而上旋轉竹徑菖蒲田新秧離離澗水澄瀉石磴梳  
潔如鏡高岡磬密遙見炊烟一縷從修篁中出即知

為雲房杳然無覓徑處余喜忘返脩然緜山烟客冷  
沉澗佩九節靈苗不復知有人世既過傳衣庵為萬  
松禪師傳衣處躡白雲庵攀蘿而上為凌霄峰浩淼  
如大瀛海何減秦岱新殿枕鵬搏山勢拱衛余謂此  
山幽曠非通都大邑而宸章御蹕後先輝煥故樓名  
五鳳閣建龍游南朝四百八十寺未有其比今山水  
依然未知八十一代傳燈何人耳返流止亭輿人告  
息各曳杖尋東坡放生池坡公游徑山二詩如欲看

細字銷殘年靈水先除眼界花俱頌水德今濁甚亭  
碑幸無剝蝕及讀樓鑰百萬杉松雙徑杳三十樓閣  
五峰寒自是實境語矣似宗探藏錄許為刻高僧傳  
燈下各繙一編間拈以問佛石佛石各為宣說吐旨  
玄暢因曰宗門不立文字而微言奧義終古不磨猛  
志精求叅悟非遠今人根力未堅而遽稱文喜游戲  
彷彿而妄冀豐干正恐慧蓋乍枯慈筏罔濟耳相與  
嗟嘆久之余夙知有聞谷住徑山急欲一晤而聞其

坐不語禪殊悵快佛石為通信聞谷慨然曰吾素所  
願見者也曉訪之觀音閣時禪習者三十餘人而閣  
戶闕寂鳥雀不喧入左扉若無人者執事虔嘿惟謹  
聞谷坐余輩小閣色靜而氣融神理泓上發語簡遠  
真禪定士也余為肅容而別微聞谷幾虛徑山一游  
矣 蘇轍詩去年渡江愛吳山忽忘蜀道輕秦川錢  
塘後到山最勝下枕湖水相縈旋坐疑吳會無復有  
扁舟屢到凌深淵今秋復入徑山寺勢壓衆嶺皆迷

巔連峰峇嶂不知數重重相挹如青蓮散為雲霧翳  
星斗聚作潭洞藏蛇蜒欽公未到人跡絕千里受記  
來安禪荒榛野草置茅舍坐令海賈投金錢至今傳  
法破煩惱飽食遇客宜安眠解裝投錫不復去紛紛  
四合投烏鳶或言處此猶未遠海上人少無煩煎天  
台鴈蕩最深處水秀石瘦尤清便青山獨往無不可  
論說好醜徒紛然終當直去無遠近藤鞋竹杖脚窮  
年方九叙詩雲裏五峰環紫翠空中一徑轉微茫

黃花漸報重陽節，白社遙尋古道場。  
精舍更宜留謝客，玄都何必訝劉郎。  
高僧趺化千秋寺，獨有靈鷲塚樹蒼。  
湯賓尹訪澹居詩。覓友尋師度會稽，  
舍情千載不能啼。閒從國一堂頭過，  
一片香兒吊塚雞。拔天跳地穿黃嶽，  
抱月迴風隱徑山。著處盡成香國土，  
單肩赤脚恣周還。半月東山水上行，  
薰風南逗晚涼生。從君叅得黃楊木，  
大好隨緣斷佛情。格物何當物格，  
殊子韶妙喜兩模糊。而今騰有關西首，  
劍擊



憑誰落畫圖 吳用先雨中登徑山與澹居上人夜

坐詩唱石開山意若何靈巖千載鬱嵯峨幾盤翠袖穿  
雲度十里青松帶雨過寶界烟蘿香氣裊珠林鐘磬  
梵音和清霄喜對支公話把臂中峰一浩詞

化城寺在餘杭縣北四十里雙溪之上 馮夢禎議復  
化城疏引刻經之緣始于清涼之妙德庵地寒而峻  
遠役南匠轉輸工力費倍功半不得已而有徑山之  
遷徑山為東天目正幹五峰攢迴中間佛界我東南

勝道場無逾此而雲霧籠罩十日而九藏板其中最  
易朽腐又不得已而有化城之議化城踞徑山之東  
麓去雙溪數里地坦平無雲霧既便藏板而輸工力  
事事皆宜因故址而新之先為十間屋今足以安經板  
處工匠而他役徐俟其後似無甚難舉今約同志以  
十緣倡之緣五十緡禎雖貧勉任一緣夫刻經大役  
自北而南而其南也又自徑山而化城三徙而後定  
而任事之人始于密藏繼予後予而終之者又未卜

何人也因緣時節惟佛與佛乃能究盡而自躬緣以  
至未來凡于此事曾捨一錢半銖及一手一足之力  
已上福不唐捐直至成佛而吾等與焉豈不幸甚

方伯吳用先重興化城接待寺疏余從紫栢尊者游  
逾二十載所承鉗錘錐剗罔所不至通身熱汗不知  
透出幾番矣末後以流通佛法付囑不佞唯唯徼天  
之倖承乏越中即悉心殫力求終刻藏之役茲功已  
過半緣成或有日矣乃謀藏板善地卜及化城化城

故宋佛日禪師宣公所創接待寺即官揚汝明記之甚詳見徑山集中及我朝而香火猶盛漸次凌夷僧徒凋落遂以寺田轉佃於方姓者輾轉相侵盡為居鄰所剝蝕矣然其徑尚存化城巷之名至今在人口今年澹居上人圖恢復之而鄉紳王中泉公首倡義舉願以其地歸寺於是左右聞風者響應乃澹居猶運慈心量其多寡各給其直余與吳下諸君子協濟之雖未盡復舊址從此誅茅建刹亦庶幾可觀矣然

此非今日創議也蓋自馮開之司成始矣而余又不  
知司成之原有此議也一日澹公過予持開之手卷  
見示謂偶從密藏棄篋中檢得之余展閱疏引即向  
時與藏公所謀卜化城以厝經板者也噫竒哉司成  
往矣謀于十數載之前而余與澹公成于十數載之  
後不約而合無心而成九原可作當為鼓掌第勝地  
既復梵宇鼎新向後更有許多商量不無藉十方大  
檀之力余小子亦不敢不賈勇從事使道化重興法

輪常轉普頭目腦髓之不恤而遑恤其他時萬厯辛亥歲浴佛日

大祿寺在縣西北九十里長安鄉晉永康年間建元大

德年間重建元末燬洪武二年重建歸併于此曰光

教寺

在縣北八十里

曰靈石院

在縣北六十里

曰慈相院

在縣北一百里

靈源院在縣東南十二里安樂鄉舊名龍泉唐咸通七

年僧善本建宋治平二年改今額元末燬洪武二年

重建歸併于此曰普濟寺

在縣東十五里

曰寶輪寺

在縣東南三里

曰澄鑑院

在縣東十五里

曰光福院

在縣東南十五里

悟真院在縣西北三十里長安鄉唐咸通八年僧法顯

朔宋治平二年改今額元末燬洪武年間重建歸併

于此曰石泉寺

在縣北八十里

曰大智寺

在縣東北三十五里

曰法華

寺

在縣西北四十里

曰寶幢寺

在縣西北六十五里

曰寶嚴院

在縣北一百二

十里曰迎恩院

在縣西北四十里

曰大安院瑞相院

並在縣西北五十里

王安石悟真院詩野水縱橫漱屋除午憲殘夢鳥

相呼春風日日吹花草山北山南路欲無

洞霄宮在縣西南十八里漢元封三年建宮壇于大滌  
洞前唐弘道元年有潘先生者于洞下建天柱觀南  
向四維辟封三步禁樵採為長生林中宗時賜觀莊  
一所後有朱法師改觀為北向乾寧二年錢武肅王與  
閻丘方遠相度山勢復改南向未納土時嘗改天柱  
宮宋祥符八年陳堯叟奏改今名賜仁和縣田一十  
五頃并賜鐘磬法具等歲度行童一人應天慶節設  
醮以祝聖壽天聖四年詳定天下名山洞府凡二十



處洞霄大滌洞為第五政和二年都監何士昭陳乞  
賜度牒三百道方臘之亂宮燬紹興二十五年重建  
仍建昊天殿于東廡後殿左陽通明館乾道二年三  
月壽皇洎顯仁皇太后臨幸嘗以軍士守禦後奏罷  
以山麓民充佃夫防禦淳祐七年靈濟通真先生孫  
處道奏請賜錢益市恒產規制愈崇政和間援天柱  
觀例經尚書禮部給洞霄宮印記慶元二年以歲久漫  
滅重給宋初天聖節道場應本縣文武官僚入山建

散諸山僧咸至立班自南渡後惟道士就官建散而  
縣官止於普救寺行事凡諸宰執大臣丐闕去位者  
以提舉洞霄宮繫銜咸淳甲戌冬宮燬一空元至元  
甲申後再新宮宇元末兵燬洪武二十三年重建歷  
二十餘年而後修垣鉅殿門廡室廬庖廐壇壝皆次  
第用完無改舊觀矣 王達記晉許邁稱餘杭山是  
洞庭西門潛通五嶽山陰至臨安名有金堂玉室仙  
人芝草左元放之徒漢末諸得道者咸在夫古者採

真之士徃徃於名區奧壤穹崖邃壑留連忘返者何哉蓋老氏之學貴清靜非名區奧壤穹崖邃壑不足以養其高致故名山大川瓌詭之觀人迹所罕至者必為其徒得之余嘗因邁之言而稽焉餘杭之西有山曰天柱自漢元封三年建天柱觀宋祥符間改稱洞霄宮仙吏謂之福地而天目諸峯遐邇羅列光靈勢氣與造化相為流通蓄竒孕秀莫可殫紀當雲行鳥飛之際一柱中立屹然摩空羣山四面俯拱自列

而宮正踞其幽深峻絕之境丹臺紺殿瓊樓璇室烜  
赫心目為民禴禩動輒有應元步日窘四海鼎沸所  
謂丹臺紺殿瓊樓璇室一燬無遺大明昇天九有寧  
謐洪武庚午提點賈公力以恢復自任夙夜劬勩罄  
索是營不三載賈化去副知宮事資深吳公暨希然  
龔公克紹厥職繚以修垣構以鉅殿至乙未門廡室  
廬庖庾壇壝次第用完丹臺紺殿瓊樓璇室視昔不  
異許邁所謂金堂玉室仙人芝草者宛然可徵漢末

諸得道者其骨雖朽其神不死安知不與茲山之光  
靈勢氣相與盤旋於冥漠之間耶夫置榮悴於兩忘  
齊天地為一指為道家之常事然數百年之規獲一  
旦而復之非惟其徒以樂清靜無為之教且俾一方  
萃嚮慕之誠致水旱禱禳之福明靈歆顧祥慶駢臻  
詎不密裨皇化為邦氓之利也哉其嗣法弟子周應  
常劉宗顯慮乎久而泯其績也來京師求余記余喜  
諸君子能翼其教也姑書此庸刻諸石後有記者尚

考于斯 陳堯佐詩娟娟紅樹碧峯前為愛桃花入  
洞天偶逐霓旌纜百步却憂人世已經年 谷口停

驂上翠微五雲宮闕闕金扉不知何處朝元會却是  
龍鸞隊仗歸 一帆高掛出紅塵萬仞長歌入紫雲

莫道仙游無別侶玉清冠蓋許同羣 林逋詩大滌

山相向華陽路暗通風霜唐碣久草木漢祠空劍石  
冒花碧丹池水氣紅幽人天柱側茅屋灑松風 趙

抃詩龍穴藏身隱源泉撫掌清紅塵人絕慮白日世

長生我分諳冲寂誰能顧利名夢中休指笑又作洞  
霄行 蘇軾詩前生我已到杭州到處常如到舊遊  
更欲洞霄為吏隱一庵閒地且相留 趙公碩詩里  
服蕭蕭入翠微虛亭高敞納晴暉仙歸洞府雲烟冷  
春入名山笋蕨肥緩引壺觴聊自適暫捐朱墨便忘  
歸會當結屋山中住始悟人間萬事非 舊時曾此  
覓仙緣一别于今四十年白髮重來嗟老矣青山九  
鎖故依然肩輿直入松間路洗耳還聽澗底泉幽興

未闌吟未就半峰斜日下平川  
潘良玉詩石壇風  
冷露華凝羣玉崢嶸簇畫屏  
水赤久傳丹作井山高  
時借翠為亭鶴迎仙馭迷三島  
雲入洞天朝百靈  
回首武陵歸去路碧桃零落晚風清  
趙汝談詩好聞  
謝塵事來作名山遊杖策西澗曲  
乞漿東家立大滌  
古洞天仙人此藏修至今翠箬下  
半夜丹光浮山中  
舊相識置酒為淹留日移雲窻午  
水滴空林秋授我  
長生方揮塵談玄幽我髮亦已白  
赤霄莽何求業緣



苦未斷一笑風引舟回首青天長身名兩悠悠 曹  
元翰詩馬歸清曉破藍田一出紅塵骨已仙任鎖九  
重山下路終尋五處洞中天泉流碧砌常鳴玉跡隱  
蒼崖久蛻蟬人世歸時知變否樵夫猶記爛柯年

白駒任詩桃花流水隔塵寰玉樹瓊林九鎖關飛閣  
太虛開紫府捲簾終日見青山無為自覺心源淨學  
道方知色界閒政滿不須瞻使節蹇驢瀟灑聽潺湲  
張輿詩登臨直到翠微巔晚向蓬山共醉眠雪後

梅花溪影淡月中  
瑤草露華鮮  
千年石室琅函秘  
萬丈天峰玉柱懸  
此行不為長生訣  
要續遊仙第二篇

趙居仁詩  
十里溪聲逐澗灣  
馬蹄聽入洞霄間  
左

旋右折不知路  
九鎖一開都是山  
紫極宮高雲絕頂  
翠蛟亭壓水當關  
山中止說吳仙子  
獨抱真心鍊九

還

此係三十六洞天之一故附載

類列 慈濟禪寺

在縣北六十里

善法禪

寺

在縣東三里

安樂塔

在縣東三里

臨安縣

海會寺在縣西二里南北鄉梁大同年間賜額竹林寺

會昌五年燬大中五年重建天福二年錢氏拓舊址

建奇石浮圖二座宋大中祥符元年改今額天禧五

年燬重建元至正十二年復燬洪武十六年重建歸

併于此曰殊勝寺

在縣東十里

曰靈峰院

在縣東十五里

曰寶林

院

在縣東三十里

曰法華院

在縣西二里

曰梵安院

在縣西二十里

曰精

進院

在縣西二十里

曰勝因院

在縣西南三里

曰寶積寺

在縣西北十里

蔡襄海會寺記臨安縣海會寺梁大同中始作號竹

林及五代貞明之初吳越王又新之王縣人也少嘗  
往來里中困甚已而跨有全吳名貴地大私念所從  
來豈非有陰相者邪竹林最得山水佳處因大治之  
益廣前制當是時吳中浮屠居雖百千數無是倫者  
宋大中祥符間例易天下寺名遂賜今額天禧五年  
冬十月大通夕而墟其徒散去僧有明顧思憮然以  
興廢為已務每說於衆曰吾師之法或資於塔廟福  
報之來稱其所出今殿適謀始而大家力饒不能厚

施異時名氏不齒篆載反索氣於後人其可乎於是  
盛仁俊張從實先輸而倡之從而扣者數十百人度  
林磐石墜茨陞級之役積費錢三十萬役一十年而  
後已既成列像其下鼓鐘其中會而落之墟者復茫  
而散者復集錢氏以一國之資基之於前有明以一  
己之志繼之於後可謂能且勤矣 蘇軾詩藍輿三  
日山中行山中信美少曠平下投黃泉上青冥線路  
每與猿猴爭重樓束縛遭澗坑兩股酸痛饑腸鳴北

渡飛橋踏彭鏗繚垣百步如古城大鐘橫撞十指迎  
高堂延客夜不扃杉槽漆斛江河傾本來無垢洗更  
輕倒牀鼻息四鄰驚統如五鼓天未明木魚呼粥亮  
且清不聞人聲聞履聲

淨土禪寺在縣南二里南北鄉五代梁乾化二年吳越  
王捨基為寺請額光孝明因宋大中祥符元年改今  
額元末兵燬洪武十五年重建歸併于此曰護法院

在縣西二  
十五里

曰昭明院

在縣西四  
十五里

曰開化禪院

在縣南  
二里

曰善住院

在縣南  
五里

蘇軾淨土寺詩雞鳴發餘杭到

寺已亭午參禪固未暇飽食良先務平生睡不足急  
掃清風宇閉門羣動息香篆起烟縷覺來烹石泉紫  
筍發輕乳晚涼沐浴罷衰髮稀可數浩歌出門去暮  
色入村塢微月半隱山圓荷淨瀉露相携石橋上夜  
與故人語明朝入山房石鏡炯當路昔照熊虎姿今  
為猿鳥顧興廢何足弔萬世一仰俯 又開化禪院  
詩落日岸葛巾晚風吹羽扇松間野步穩竹外飛橋

轉神功鑿橫嶺巖石得巨片直度千人溝下有微流  
涇崗巒蔚回合金碧爛明絢緬懷異姓王負擔此鄉  
縣長逢跨下辱屢乞柔間飯誰謂山石頑識此希世  
彥凜然陰氣逼屹起猶聳戰他年萬騎歸父老恣歡  
宴錦繡被原野金珠散貧賤竇融既入朝吳芮空記  
面榮華坐銷歇閱世如郵傳惟有長明燈依然照金  
殿方九叙昭明院詩勝地傳淳玉前朝此布金龍  
湫懸雨急鳥路入雲深萬仞鍾靈烝三秋愜賞心塵



緣促歸駕回首戀東林

太平萬壽禪院在縣東二十里靈鳳鄉唐天寶三年欽  
禪師卓錫於此天祐元年吳越王建賜額小徑山太  
平禪院宋天聖七年改賜今額崇寧元年重建元至  
正十九年兵燬洪武九年重建歸併于此曰普慶福

田寺

在縣東北  
三十里

曰蟠龍禪庵

在縣西  
十里

曰法海院

在縣  
西二

十里 陳度徑山下院太平萬壽禪寺莊田記臨安縣

東二十里靈鳳山之腰喬木剌天修竹成林中有萬

壽禪院者故吳越國武肅王錢氏所建太平寺也宋天祐二年更為禪居天聖七年始賜今額初縣人高君保與其子瞻自景德以來大新棟宇造殿塑像藏經鑄鐘百用具修又以田百有二畝與常住供僧君保瞻卒其子弟分財產欲奪前所予出交訴于縣縣没入之平其估許其市崇寧元年住持等覺大師募檀越百餘人得錢三十七萬有奇詣縣請如本估市宰君嘉其請而歸之等覺刻檀越姓名于石以傳不

朽屬無住居士序其事居士謂臨安地寡人繁富官  
田今日示價明日爭者盈庭高氏沃野膏壤竟四十  
年莫有市者豈神物護之乎抑亦有待乎且善惡一  
念至微細也長劫受苦樂報秋毫不差况予奪罪福  
之明著者等覺與十方來衆當其食時升堂展鉢上  
味妙供不念自至何用區區營此一頃田為蓋欲與  
高氏子弟悔罪與諸人植無窮之福也當知是田本  
無去住於彼于此何得何喪彼此得喪兩忘則罪福

安在哉故此山可傾此地可移此石可磨此福無有窮也他日大獲倉箱充溢禪子終朝飽滿元不曾破一粒米始知居士前語不綺宰君者雪上姚祐伯受以學行知名施于政事人安樂之等覺者法號慧源大通禪師之法嗣不惟道行高潔抑且才力過人無住居士者丹陽人陳度崇寧元年秋七月中元日方伯吳用先重復太平萬壽寺田碑記太平寺在臨安邑治東靈鳳山間擅風林雲壑之勝肇基於吳越王

至宋天禧中改為萬壽禪院邑有檀信高君保者父子相踵而護持殿宇像器各極莊嚴捐田百畝以充香積供四海芻芻當時叢林亦云盛矣及君保逝而後裔之為闡提者謀奪之訟成田沒入官欲購者聽越四十年而竟無購者豈非韋馱力耶至崇寧間有慧源為住持募錢數千緡自白於縣請得贖之然世代遞更漸次凌夷田復為比鄰所吞併矣寺僧零落三五輩無恢復志迄今有澹居者為達觀禪師高

足以刻藏因緣來主徑山之席一日至其地徘徊久之追尋古蹟偶見石壁有小徑山三字知為徑山下院撫然歎曰是梵釋龍宮地有神呵護焉百畝之丘乃高檀所捐餘十方僧者若輩踞為已有入泥犁如天迅耳曷若直而歸之為衆贖愆於是聚吳中善信資僅贖其半半仍歸比隣蓋運以慈心也邑令黃君寔佐成之噫此區區一彈丸土檀化為魔魔化為檀來而復徃徃而復來亦何常之有總惟心所造耳心

緣於般若則為喜捨為莊嚴是高君保之父子也是  
慧源澹居之恢復也心緣於無明則為慳貪為侵併  
是高君保後裔之反汗也是左右比鄰諸人之蠶食  
也爭讓祇緣識心人我了無實義談性則空有之不  
立論相則因果之難逃福緣瑞事隨善萌芽異類幽  
淪乘惡滋蔓夫人生如掣電飄風七尺軀殼受享幾  
何胡為乎貪執不捨甚至彊吞甘以有盡之身而釀  
無窮之業哉吾願後之人勿復垂涎此地自招業報

也

玲瓏山大雄殿從華石山徑過流霞橋登石門詘曲而  
上為三休亭九折岩風雨驟至屐下皆作小瀑醉眠  
石為坡公書字勢飛舞寺內設東坡山谷佛印像寺  
傍有琴操墓 蘇軾詩何年僵立兩蒼龍瘦脊盤盤  
上倚空翠浪舞翻紅擺橙白雲穿破碧玲瓏三休亭  
上工延月九折岩前巧貯風脚力盡時山更好莫將  
有限趁無窮



化城院在縣東北一里南北鄉唐武德二年賜額羅漢

院在縣城內會昌五年燬光啓二年賜額法華院後

里人錢尚父重建五代唐同光二年遷于縣東北以

鍾尚書府地建立宋治平二年改賜今額元至正十

九年兵燬洪武六年重建歸併于此曰西明庵在縣北三

里曰慈聖院在縣東南北鄉曰觀音院在縣東北二里曰普淨院在縣

東北三十里曰無量院在縣西十里曰淨梵院在縣南十五里曰興善

院在縣南四十里

興教院在縣東一十二里靈奉鄉唐天寶中賜額興善

會昌五年廢天祐元年吳越王重建宋治平二年改

賜今額元末兵燬洪武元年重建歸併于此曰瑞隆

院妙巖院

並在縣東二十五里

曰普澤院

在縣東南十五里

曰不二院

禪定院

並在縣東南二十五里

曰吉祥院

在縣東南二十五里

曰真君院

在餘杭縣西南二十里併于此

淨應院在縣西三十里金岫鄉五代晉天福四年賜額

應祈里人錢尚文建宋治平二年改今額歸併于此

曰無垢院

在縣西北二十五里

曰長清院西化城院普信院梵

行院

並在縣西北三十里

曰等慈院

在縣西北四十五里

雙林院在縣西北一十五里谷昌鄉名寶林唐天成元

年徑山寺僧景文望南山有祥氣遂廬於山巔大理

評寺俞壽因捨山為寺於土中得金銅佛像三尊殿

屋摧毀僧冲新之宋治平二年改賜今額元至正十

六年兵燬洪武三年重建歸併于此曰真覺院

在縣東十里

五曰定安院

在縣東二十五里

福勝院在縣北二十里高陸鄉宋乾德四年賜額福全

治平二年改今額元至正十六年兵燬洪武元年重

建歸併于此曰圓明庵清輝庵

並在縣北二十里

曰極樂院

在縣東北

十五里

曰惠民院

縣東北二十里

曰永昌院

在縣北二十里

曰大

仁院

在縣北二十里

曰崇覺院

在縣北三十里

趙仲藏福勝院

詩千騎踏清霜東遊古道場雲籠山骨秀風引水聲

長曉日依稀暖寒花取次香後隨吹管急空谷答宮

商類列

辟支塔

在縣東北三十里

東天目山昭明禪寺去臨安西四十里踰嶺即見若天  
鏡然其形蜿蜒下蟠于麓分二道左為龍王堂以木  
梁澗澗中多竒石進為白鶴坡則水石相激以成游  
者每不能至其上數里即所稱平溪苔之源也右峽  
入深三里許茂林鬱然曰昭明庵頗整治有徑可斜  
通山中由中麓上躡其脊憩且止亭望武林諸邑歷  
歷可指顧有瀑如白龍伏起多態抵垂虹橋則逼凌  
飛瀑濺珠衣袂間上磴多塔松大六七圍者數株歷

三橋而抵昭明寺寺久廢黃毓鉉新創未竣有千佛閣以經火不燬為靈穴其背出度嶺詰曲而下至徑密處得黑驢庵宋希都禪師叱虎處徑左為平溪庵溪流至此忽平上有獻珠墩下有白龍池飛橋跨之四面壁立真若飛渡者其溪與白鶴坡近而徑險絕不通此東目最幽勝處由閣之右過迴光庵洗眼池在其後庵所由名出西磴見悟道松頂平如茵下可隱數乘上為白雲窩左轉為分經臺即昭明分金剛

經處舊有三古松皆為雷火摧枯葛稚川曾修煉於  
此傍有小池可掬攀蘿分翠而上至二頂有石繫如  
青蓮華又上數里為大仙峯巨石如板築者數丈則  
山之絕頂與西目相望云 老子說云欲度南極避  
水災天目海陵最為第一 太平寰宇記云山高三  
千九百丈廣五百五十里水因山曲折東西巨源若  
目故云天目東出臨安為大溪溢東流而為苕溪西  
趨於潛為紫溪合桐廬之水以匯於浙江 委巷叢

談云杭州山脉發自天目有東有西東目之脉萃于餘杭結局于徑山西目之脉萃于錢塘結局于西湖故天目者杭之主山也王氣鬱葱帝王奠宅而錢氏偏霸宋室南遷兆不誣矣 陶潛問來使詩爾從山

中來早晚發天目我屋南窻下今生幾叢菊薔薇葉已抽秋蘭氣猶馥歸去來山中山中酒應熟 張羽

登天目山詩東西峰對峙麋鹿日成羣四月猶飛雪半山長是雲洞香仙藥遍天黑聖燈分千古錢塘勝



登臨愜素聞 王在晉秋日登天目詩莽氣飛揚不

見山翠磐高聳水流潺煉將青白雲和碧點就紅黃  
葉作斑江海襟期開地局昊天眉宇出塵寰玄穹咫

尺開閭闔吾亦翹瞻望玉顏 章嘉楨謁昭明庵詩

禪林天下稱蕭寺惟有茲庵真姓蕭地以分經成淨  
土池開洗眼在清霄層嵐疊嶽圍寒翠竹韻松風共  
寂寥見說讀書臺幾處離離荒草野烟飄

西天目山獅子正宗禪寺今稱獅子林去於潛北三十

里而雙清莊居其麓莊右出太子庵掬泉洗目漱之  
而甘沿澗登響水巖初得奇壁前望巨石如覆舟至  
則如削成而方繡蘿蓋之名觀音巖左通活埋道循  
右穿眠牛亭古木盤鬱踰半山橋有寶樹三株與東  
目垂虹堪頡頏上真際亭則高麗王問法中峰所自  
署者登獅子岩藏蛻在口叻間秉燭始見複閣飛樓  
若凌虛而滅其趾曰舫室曰死關高峰所自命右抱  
象鼻水淙淙下者曰千丈崖越閣道行萬松間得玉

柱峯中立夷曠高不及十丈而磊砢輪囷蒼古異常  
上覆兩松如擁華蓋東為中峰斷崖二塔一杉五枝  
一杉雙榦俱大五六圍而五枝者在斷崖塔凌高阜  
尚埋其根而雙榦修挺入雲居然娑羅雙樹其下平  
行地即為正宗禪寺榜曰獅子林旁為幻住庵中雲  
庵稍上為貝林禪師華嚴庵繞屏風石踰金仙頂觀  
怪石斷者截者反者豎者若片片解而度積於築室  
之場計其高與東目肩齊下瞰惟西南蓮華峰幽勝

返幻住沿石壁為西方庵過天關為立玉亭危道如  
線趾半垂在外委蛇以行真若羊腸從立玉望西方  
半沒雲嵐中由西方庵峭壁中裂如隧道曰龍門從  
龍門下若實虛山中之竒無以加此分徑北行美陰  
曲折漸露幻居之崖層構翼接觀益竒憩活埋庵階  
香壚峯頂下沿觀音石凡所經高峰銅鉢繭衲如熏  
優鉢羅花開及中峯自題畫像皆世所未有烟雲萬  
變必身至始能領略云 白樂天新婦石詩堂堂不

語望夫君四畔無居石作隣蟬鬢不梳千載髻蛾眉  
長掃萬年春雪為鉛粉憑風傳霞作胭脂仗日勻莫  
道岩前無寶鏡月明依舊照夫人 僧靈一天池詩  
昨夜雲生天升東春山一雨幾回風林花迸逐溪流  
去欲上龍山道不通 蘇軾雷神宅詩已外浮名更  
外身區區雷雨若為神山頭只作嬰兒語無限人間  
失著人 高峯禪師題鶴山詩一山高突兀百里去  
城闌老翠掛清曉華滋積富春江空潮勢遠雲破月

痕新對此忘情者林間有幾人 中峰禪師真際亭  
詩高亭結構標真際體共雲林一樣閒山勢倚天忘  
突兀水聲投澗自潺湲伽陀迴出言詞外海印高懸  
宇宙間佇看凭欄人獨醒又添公案入禪關 幻住  
庵歌幻住庵中藏幻質諸幻因緣皆幻入幻衣幻食  
資幻命幻覺幻禪消幻識六牕舍裏幻法界幻有幻  
空依幻立幻住主人行復坐靜省幻華生幻果放還  
收控勒幻繩幻騎牛時或住入萬幻塵俱捏聚時或

眠一覺寧夢居四禪有時動幻海波翻幻山聳有時  
靜幻化光中消幻影可中時有幻菩薩來叩幻人詢  
幻法我幻汝幻幻無端幻生幻死幻涅槃淨名室內龜  
毛拂龍女掌中泥彈丸更有一則幻公案幻証幻修  
須了辨莫言了辨幻云無只此無無名亦幻學人未  
達真幻輸動輒身心自相反幻心瞥爾生幻魔幻翳  
忽然遮幻眼陽燄空華乾闥城天堂地獄菩提名有  
問此幻從何起雲月溪山自相委要見庵中幻主人

認著依前還不足 吳用先贈貝林上人詩絕頂空

山寂惟將貝葉翻 梵書窮本末 密呪演朝昏 世法了  
無染禪心終不言 孤雲時獨往 流水護柴門 王在

晉乘夜登法雲塔詩翠屏團裏勢嶙峋 薄暮登臨不  
待晨樹杪飛泉分 雨露峰頭明炬動 星辰中峯塔下  
鐘初動 立玉亭前酒一巡 歸路已迷荒草合 雲房深  
迴漏聲頻 喬雲將天目志成 呈徐明府并序 夫銛  
刀不與霄影爭 銛駕馬不與黃駒方 駕剡章縫之下



士當冠劍之鉅公徐使君威鳳祥麟白眉先喆牛溲  
馬勃青眼後生分璧潛州已最書屏之業探竒禹穴  
雅意名山之藏因天目之雄峰成公餘之新志涪蹄  
末學謬分編檢之滌琬瑛宏詞不數已渝之響聊抒  
短什奉和雄篇平生不識天目山平生不識使君顏  
山即君耶西爭勝使我夢寐青巖間越中千嶂縈江  
碧茲山獨高八千尺日暖花飛古院紅雨晴泉掃陰  
崖白無峰不幻作蛟螭雲月烟霞紛繪竒客度松壇

皆馭鯉僧歸瑤殿總馴獅憐子三載西湖客三載何  
曾理山屐終年鎖閣擁寒紗一杯湖水如環壁使君  
新記來飛鴻開棹翠嶽如龍從依稀海蜃吐朝閣仿  
彿江猿唵夜風此時矯首情無已坐卷雲蘿落窻几  
試令兼誦使君詩龍宮網割珊瑚紫世間好事爭紘  
紘攜杖思穿麋鹿羣囊中但寶一編在只此見山兼  
見君 潘之恒兩天目論曰兩天目祖黃山而表三  
吳如縣鑑在上故稱天目或舉江南全體黃山為首

天目為目五湖為臟腑金焦為足語雖太奇亦頗足據舊志言兩山絕頂俱有池一泓如天之兩目此學究訓解何所從來即昭明洗眼池亦出俗諺其池不盈二尺東在旭光庵西在太子庵各祠昭明具王者冕服張雀兩相翼之皆能錫福於民者標以雙清莊近似若據此為天目何鄙如之又西頂有石如青蓮開敷東西二頂累石纍纍亦狀青蓮楞嚴經謂青蓮花目亦在佛面則寧以此受名猶嫌著相安有他說

可易此者也其兩頂蓋石如板可謂竒蹟至傳會仙人造梁無乃河漢而淺于鵲橋乎如果上真遨遊兩峯間呼吸可通帝座無煩五丁為伐持地為平此可勿論矣

天台傳教庵在瓶窞妙峰真覺法師開天台教觀處師苦心台教三十餘年所註經甚多塔于天台高明寺側

新城縣

普照院在縣東十五里晉天福七年建名普光院宋治

平二年改今額歸併于此曰多福院

在縣治東半里

曰總持

院

在縣北十里

曰淨嚴院

在縣西三十五里

曰明寂院

在縣西七十里

曰

萬壽庵

在縣南七里

李浙普照院詩青山遶屋嵐光重

流水衝階碧蘚滋獨坐午窻誰晤語鷓鴣聲裏竹陰

移

東白院距縣一里許在鷄鳴山昔為唐給事中昭諫羅  
隱公宅溪流繞前山巒環後邑人共建為東白禪院

江西益王賜額院前溪水一帶向為放生池久廢  
萬厯間邑令王巨槐命僧海金立石刻禁仍復其舊  
一時士民贖生至紛紛中有大士堂福民侯王祠祠  
之左為昭諫公遺像鄉民歲時伏臘于此每東顧上  
流又有許忠烈祠狀然並峙東安彈丸區也如羅之  
文章許之忠烈並可昭垂不朽題詠幾遍獨東海冒  
愈昌撫吊淒楚堪為二公擊節今錄之云千載人傳  
昭諫名空山無處覓先生已知霧豹南山隱恍聽天

鷄半夜鳴遶砌薜蘿堪製服近簷花柳共為情睢陽  
祠宇還鄰近忠義何當共一楹 凌誌題云題山詠  
水遍天涯誰識東安是舊家半畝荒基山寂寂夜深  
風雨落梅花 許廣淵詩云廢宅百年後荒基一畝  
平獨憐新檜栢誰識舊軒楹閣里清風在溪山秀色  
明當時苦吟夜應使鬼神驚

黑山蟠龍庵山在平地中陡然奮起仰視竒絕逶迤而  
上數百步許有崖兩石峰相對徑甚狹且迅再數十

武復開見平地田地塘井可數十畝四逼山崗迴遠  
上見青天中有龍池半畝許大旱不涸有禱輒應常  
有祥雲覆其上遠方望氣者往往登陟觀閱皆以為  
瑞謂小麻姑洞也有大石二一名伏虎石在洞口儼  
然虎踞扣之有聲每天將雨輒潤登據俯眺可閱百  
里山水盡環遶拜舞于下一名棋枰石在前崗寬廣  
平直相傳葛仙翁與客對局在此臘月山花盡開至  
今惟此山巔有蘭花映山紅十二月即開中有泉水



一孔冬夏不涸清冽異常昔有異僧來此跏趺數月  
不食烟火去之時曾題壁間有俊毫干管秀翰墨一  
泓香松篁間竹韻另是一乾坤之句元時燬國朝僧  
智果募邑人潘樞鼎建有觀音堂文昌祠怡性軒外  
有亭名最高處人皆稱為真佛地昔蘇文忠姚次庵  
遊歷有韻明邑令林劍台以棹楔題贈至鄞入高明  
洲粵人張兢餘西吳蔡五嶽各有題詠其上

咽水洞距縣三十里為廣陵村平坂中一山突出皆頑

石前有一小洞洞口可容十數人站立人不問洞內  
外寂如也惟人向洞揖曰某來此要求仙官恩澤其  
洞內即闐闐作聲須臾水即向洞口潰出蝦魚亦隨  
水而出跳躍水中直竦伊人再揖曰水足矣洞內即  
劃然有聲其水與蝦魚復返洞口儻再請如前洞之  
出納亦如前雖百請亦百應也鄉人每歲致祭洞外  
田疇千畝皆賴此灌溉無旱涸之虞昔有縣令范君  
者曾往觀鳴鑼放炮至洞口作禮水不時出范留宿

次早復請復不出范怒毆里胥言誣夜復宿中堂寺  
夢數老人皓髮黃衣行止翩翩叩門請見范與之坐  
問曰公何人斯老人曰予秦人也避亂於此向不習  
漢官威儀畏聞車馬擁呼聲長官何必恚報者倘不  
信姑試之次早屏騶從至洞口感驗如常范乃驚異  
為之題記刻石而返夫桃源記人疑其幻茲洞以水  
為吞吐自秦至今靈應不絕無能測其從來亦竒哉  
惜在深山盤谷中不獲標名字內然觀邑令一夢又

以無名為貴矣

寶勝院唐天寶間建為魚池寺宋祥符元年改今額有

葛仙翁煉丹井曰乳泉其白如乳 許仲蔚詩青雲

路在天煉鼎亦徒然九轉果何物一泓空舊泉競知

丹可煮不悟骨非仙汲引殊無狀翻嗤葛稚川 許

廣淵詩葛公高隱處鑿井碧山前鍊就長生藥空餘

白乳泉鼎藏今去水氣吐舊成烟午夜風雷作人疑

羽珮旋

寶乘寺唐上元二年建為靈遠寺初梓州刺史羅石朔  
掘地得銅鑄佛像俄失所在而新城人獲之野因建寺焉  
今有佛嶺由此也會昌中廢大中十三年復置為聖  
像寺吳越王迎其像入城宋大中祥符元年改今額有  
脫龍洞躍龍池噓雲亭妙香堂深靜堂大唐開山祖  
師名休糧 白居易贈詩云三十餘年坐對山只將  
無事化人間齋時往往聞鐘笑一食何如不食閒  
司馬煥遊脫龍洞詩云雷雨何如起蟄龍蒼痕天矯

石巖空不緣嗜好尋劉累定向人間試葉公 錢朝

隱鐫脫龍洞詩云九骨何年脫洞巖真龍肯向此中

蟠料應夜半凌空去雷震千山風雨寒 李處全題

深靜堂詩云鼎來朱墨苦難逃兩夕山中暫釋勞野

岫擁簷青截泉迴塘足雨綠週遭繙經深院心宜靜

遠跡紅塵意自高謾把新篇供寫物么麼那敢說詩

豪 葉衡題妙香堂詩云巍巍畫棟挿晴空時有芳

馨四面通好為高禪參鼻觀未應公子闕熏籠簾前

一炷沉檀韻窻外數番蘭蕙風  
信道杜陵佳句在心  
清渾賦此堂中

寧國寺在縣南七里青巖山晉郭文舉常隱于此夜有  
虎為一金釵梗喉俯地作求救狀郭探手去之虎搖尾  
迴拜再三次早啓扉則有一死麋乃虎所啣置門外  
者咸和二年人為立祠禱祈必應晉天福八年吳越  
王因碧沼清澈遂命額曰碧沼寺 潘閔詩五峯高  
挿雲居勝覽景留題趣味長碧樹葉陰山骨潤白蓮

花馥水池香鶴尋巢徑松十蓋僧卧溪流石一牀閒  
翫不知西日落馬蹄歸去帶斜陽 王圻詩高僧居  
處足清虛泉遶塔庭樹遶廬鬱密青巒垂薜荔亭湛  
碧沼映芙蓉客來尚喜紅塵隔僧住應知與世殊猶  
感支郎碧雲句使人繁慮頓然除 牛仙客詩步步  
穿蘿入徑幽栢高松老幾人遊花開花落非僧事自  
有清流對碧流 裴極詩一沼光涵四座寒夕陽回  
首更凭欄憑師蚤把香蓮種他日期來結社者 杜



荀鶴詩山半一山寺野人秋日登就中偏愛日獨上  
最高層有果猿搖樹無齋鶴者僧僧門日多事來此  
復何能 方干詩深僻孤高無四鄰白雲明月自相  
親海中日出山先曉世上寒輕谷未春窻逼野溪聞  
唳鶴林通村徑見樵人此時惟有雷居士不厭籃輿  
去住頻 林杜詩幽谷泉聲冷鳥啼僧定深好花叢  
古砌寒瀑發高岑遊者陸鴻漸居人支道林欲辭青  
嶂去臨去復成吟 釋智圓詩一到無塵境相留靜

話長秋聲歸古木月色滿空廊嵐氣侵衣潤溪泉漱  
齒涼終期整瓶錫來此掩閭房 卽輜詩地勝千岳

秀名高萬古存丹崖紀靈躅紺宇蔽祇園樹老垂藤  
影池幽浸蘚痕會心多興趣隨意坐林樊 劉大綱

詩夜色清無滓虛涼月滿亭螢飛時度竹魚躍乍翻  
萍冉冉雲歸盡霏霏露欲零劇談渾得趣相對兩忘

形 類列 福光寺 在縣北十五里 多福禪院 在縣西七十縣 安隱

院 在縣西三十里 瑞相院 在縣西七十里 通靈塔 在縣北二里 多寶塔 在縣

西五筆峰塔在獅子山

於潛縣

獅子正宗禪寺去縣北四十五里嘉德後鄉天目山有

獅子巖林洞幽深松石竒怪元至元十六年建延祐

七年賜額後燬洪武九年重建歸併于此曰大覺正

宗禪寺在縣北四十里曰善法禪寺在餘杭縣東南三里

寂照教寺去縣南二里豐谷鄉舊名吳興唐大中五年

改今額宋隆興初邑令葉衡重建寶慶初避御名改

為此君軒元末燬洪武初重建歸併于此曰明智寺

在縣西  
十八里

曰治平寺

在縣北  
十里

曰常樂寺

在縣南  
五十里

曰布金

院

在縣東  
二十里

曰廣覺院

在縣東  
十五里

曰三學院

在縣南  
十五里

曰

悟真院

在縣南  
三十里

曰淨勝院

在縣南  
六十里

曰妙樂院

在縣北  
七里

曰廣慈院

在縣北  
四十里

曰褒忠院

在縣北  
四十里

曰崇法院

在縣西南

三十里

昌化縣

治平寺在縣西一里舊名忻平唐大中二年建開平二

年改今額元末兵燬洪武十五年重建歸併于此曰

法會寺

在縣南三十里

曰大明慧照寺

在縣西八十里

曰普濟寺

在縣

西七十里

曰千頃龍興寺

在縣西北六十里

曰普向院

在縣南五十里

曰

百大廣福院

在縣西二十里

曰法興院

在縣西四十里

曰鷲峰院

在縣

西五十里

吳珩法會寺詩地占金山勝泉分銀漢流

杉篁能護翠猿鶴似驚秋祇憶登臨晚寧辭取次游  
列峯饒遠秀不惜上高樓 蘇子由送無畏還慧照

寺詩身老與世疎但有世外緣五年客江西歸帆謝

往還依依二三老示我馬祖禪身心忽明廣不受垢  
汙纏偶成江東游欲別空淒然緣散衆亦去飄若風  
中烟華陽本荒邑緇素明星懸偶然得老尉舊依育  
王仙璉公善知識不見十九年我昔未聞道問所以  
入門告我從信入授我青眼篇冉冉百尺松起自一  
寸根南歸髮盡白尺書今始傳不知鄰邑中乃有門  
人賢百里走相訪觸熱汗雨翻懷中出詩卷清絕如斷  
絃我適病寒熱氣力纔綿綿空齋默相向欲語不能

宣未暇答佳意歸錫鏘金環空有維摩病媿無維摩

言類列

明因院

在縣東三十里

福全院

在縣東北五里

清修院


在縣南四里

澄寂院

在縣南二十八里

南塔

在縣東南青山之麓今院燬而塔猶存



武林梵志卷六